

Umat Islam Singapura Memperingati Hari Mawlidnya Junjungan Kita

Muhammad Rasulullah *sallā Allāhu ‘alayhi wa sallam*


Umat Islam Singapura sebagaimana umat Islam di seluruh tanah air bahkan di seluruh dunia, telah memperingati

Hari Keputeraan Junjungan kita Muhammad Rasulullah *sallā Allāhu ‘alayhi wa sallam*.

12 hari bulan Rabī‘ al-Awwal yang bersejarah itu telah disambut dengan meriahnya.


Pada hari yang bersejarah itu, umat Islam yang terdiri dari berbagai-bagai kaum dan suku bangsa, yang menganut berbagai-bagai faham politik, telah bersatu padu dalam satu barisan yang gagah, penuh semangat dan ria gembira.

Suara takbir kedengaran bergema di angkasa, tanda bersyukur kepada Allah ‘Azza wa Jalla. Sahut-menyahut dengan selawat dan salam, tanda cinta kasih kepada Rasul pilihan, Sayyidinā Muhammad bin ‘Abd Allāh bin ‘Abd al-Muṭalib bin Hāshim, yang telah diutus kepada umat manusia seluruhnya sebagai rahmat dan pembentuk budi dan akhlak yang mulia.



*Beribu-ribu umat Islam Singapura sedang mendengar syarahan tentang sejarah dan perjuangan Rasulullah *sallā Allāhu ‘alayhi wa sallam..* Dalam gambar kelihatan Dato’ Syed Ibrahim bin Omar Alsagoff, Yang di-Pertuan Majlis Islam Penasihat*

Kerajaan Singapura sedang membuka majlis. Majlis itu yang bertempat di padang berhadapan dengan rumah Jamiyah al-Da’wah al-Islamiyyah di Geylang, telah dipengerusikan oleh Tuan Haji Ya’acob Mohamed, Yang di-Pertua ((Pertubuhan Muslimin)).



Kira-kira 30,000 umat Islam Singapura mengambil bahagian dalam perarakan untuk memperingati hari

Mawlid al-Sharif. Gambar atas, menunjukkan berpuluhan-puluhan pasukan dari berpuluhan-puluhan badan Islam di Singapura

sedang berhimpun di padang Esplanade. Manakala gambar bawah, menunjukkan barisan perarakan itu sedang bergerak

dalam perjalanan ke rumah Jamiyah al-Da'wah al-Islamiyyah di Geylang untuk mendengar syarahan mawlid dalam berbagai-bagai bahasa.

